



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 45. Joannes Antiochenus Ephesum venit.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

stolas notam fecit. Interea non nunquam dixit ad populum; semel dicendi occasionem præbuere septem Episcopi, qui relictis Nestorii partibus Sacrae Synodo se junxerunt. Altera vice pro Concione dixit in Synaxi, seu Liturgia, quæ, ut verosimile, die Veneris 26. Junii, postquam Reginus, Episcopus ex Cypro, & quidam alii elocuti fuissent, celebrata. In his Sermonibus S. Cyrillus contra Nestorium fortiter declamavit.

§. LXV.

Joannes Antiochenus Ephesum venit.

Quinto post Nestorii depositionem die, nempe Sabbato, 27. Junii, Joannes

Antiochenus Ephesum venit. Concilium, comperto ejus adventu, Episcopos, & Clericos obviam misit, tam ut honorem exhiberent, quam etiam ut monerent, ne Nestorio, a Sacra Synodo deposito, communicaret. Milites præsidarii, qui Joannem Antiochenum in itinere comitabantur, impedimento fuere, ne a Concilio Legati eidem colloqui possent in via, nihilominus usque ad Domum, in quam divertit, venientem secuti, aliquot horis, donec admitterentur, expectarunt; quo temporis spatio non modo in conspectum non admissi, sed etiam probris excepti sunt. Tandem Joannes Episcopus, missis ad eos militibus, ad se vocat. Postquam

Sæculum V.

A. C. 431.

p. 584.

p. 580.

Ep. Memn.

p. 761.

Sæculum V. A.C. 431. quam ei aperuissent, quod jubente Concilio debebant, Joannes hos viros Comitum Irenæi iracundiæ, Episcoporum, & Clericorum suæ factionis furori tradidit, ita ut ferociter verberibus dedolati, etiam vitæ periculum subierint. Ergo ad Concilium redeunt, edixerunt, quam molliter fuissent contrectati, & vulnera, suis corporibus excepta, exhibebant. Hæc præsentem Evangelio, id est, coram pleno Concilio, ad acta relata sunt, quæ quidem nobis non supersunt, unde demonstratur, aliqua in Concilio Ephesino gesta desiderari.

Illo ipso tempore, quo Legati Concilii foris stare jubebantur, Joannes suo conciliabulo cum Sectatoribus Nestorii initium dabat; quippe, quamprimum e Curru descendisset, & Domum intrasset, nequidem excusso pulvere, aut deposito pallio, contra Cyrillum, Memnonem Ephesinum, & totum Concilium agere cœpit, Comes Candidianus, qui Joanni obviam processerat, conventum aperuit, & ut acta hujus conciliabuli loquuntur dixit: *præprimis optassem, ut epistolas Imperatorum, ut jussus eram, Vestra Pietate, & universo Concilio præsentem, reddere possim, at vero quinque dies elapsi sunt, ex quo Reverendissimus Episcopus Cyrillus, Joannes Antiochenus. Memnon hujus Civitatis Episcopus, & Episcopi, qui cum ipsis sunt, in Ecclesia conve-*

convenerint; id ne facerent, nullum non
 movi lapidem, rogavi etiam, ut differrent,
 donec omnes simul praesentes essetis. Pe-
 tierunt, ut Epistola Imperatoris recitaretur,
 quod coactus permisi, ne species esset
 pervicaciae; sed antequam abirem, monui,
 ne quidquam praecipitanter agerent; cu-
 jus testes sunt plures Episcopi, qui mecum
 intraverant. Nullam vero admonitionis
 meae rationem habuerunt, sed Episcopos a
 Sanctissimo Nestorio missos, & socios eo-
 rum probrose ejecerunt, me ipsum abege-
 runt, & lectioni Protestationis, quam Epis-
 copi ipsis praelegendam miserant, aures
 praebere recusarunt. Haec omnia ad Da-
 minos nostros detuli, & significavi, me
 Tuam Sanctitatem, & Episcoporum te co-
 mitantium adventum expectaturum.

Saeculum V.
 A. C. 431.

Joannes Episcopus petiit, ut epistola
 Imperatoris legeretur. Surrexerunt Epis-
 copi, Candidiano legente; Joannes Epis-
 copus deinde rogavit, an aliud factum
 fuisset. Candidianus dixit: altera die,
 omnium, quae gesta essent, nescius, subito
 audiivi, quod Sanctissimum Episcopum Ne-
 storium deposuissent. Sententiam Depo-
 sitionis affixam vidi, detraxi, legi, & ad
 Imperatores submisi. Paulopost rursus
 Praecones publicos audiivi per plateam eun-
 tes, & solemniter eandem Depositionem
 promulgantes. Quibus compertis, nisi,
 vetarent, ut quidquam contra Imperato-

p. 197.

Sæculum V. *rum mandata moliventur, & effeci, ut*
 A.C. 431. *Episcopi, qui cum ipsis non coierant, ve-*
 p. 594. *strum adventum exspectarent. Joannes*
Episcopus dixit: an secundum Canones, &
mandata Imperatoris, causa diligenter dis-
cussa, judicarunt? vel Nestorium ob con-
tumaciam damnarunt? Candidianus di-
xit: omnes Episcopi, qui mecum sunt,
sciunt, quod nullo præcedente examine ju-
dicaverint. Joannes Antiochenus dixit:
iste agendi modus rusticitati, qua nos of-
fenderunt, optime congruit; cum enim no-
bis advenientibus, & longo itinere fessis,
fraterno affectu salutem dicere oportuisset,
in via turbarunt nos, & sua petulantia
fatigarunt. Sacrum vero Concilium, quod
mecum est, aures viris importunis non in-
dulsit, sed jam, quid contra ejusmodi mol-
itiones statuendum, deliberabit.

His Comes Candidianus exiit, & Jo-
 annes Antiochenus ex Episcopis quæsit,
 quid cum contemptoribus episcopolarum Im-
 peratoris agendum esset? Concilium dixit:
 patet, Reverendissimum Cyrillum, & Reve-
 rendissimum Memnonem, qui eum fideliter
 adjuvit, contra Imperatoris mandata egis-
 se; id optime nobis exploratum, qui prius
 quam Tua Pietas advenimus, & omnia mo-
 limina vidimus. Nam Memnonis jussu,
 Ecclesiæ clausæ, nominatim Ecclesia Mar-
 tyrum, & S. Apostoli, ita ut ne quidem
 Festum Pentecostes celebrare Episcopis li-
 cuerit.

cuerit. Idem multitudinem agrestium Sæculum V. A.C. 431.
 turbandæ Civitati collegit, ad Episcoporum A.C. 431.
 diversoria Clericos misit, qui terribilia ingerebant, nisi ad seditiosum eorum
 conventum vellent accedere. Nempe propria conscientia convicti, omnia perturbatione
 implere nitebantur, ne otium esset inquirendi in Doctrinam Hæreticam, quam
 in articulis, nuper Constantinopolim a Cyrillo missis, deprehendimus, potio-
 rem Impietati Arii, Apollinaris, & Eunomii consentaneam. Jam ergo nobis pro
 Religione fortiter decertandum; Hæresis bujus, & Seditiosis Duces, pro-
 ut merentur crimina eorum, damnentur, & qui ab ipsis seducti, pro culpæ ratione punian-
 tur.

Joannes Antiochenus dixit: Cyrillus, & Memnon Auctores bujus scandali, quod
 Leges Ecclesiæ, & Imperatoris mandata contempserint, & etiam articulorum illo-
 rum Hæreticorum causa deponantur, & qui ab ipsis seducti, excommunicentur, hunc
 in finem, ut errorem suum agnoscentes, Hæreticos Cyrilli articulos anathemati-
 zent, nobiscum congregentur, fraternam Pseudo-Synodus Orientalium.
 unionem quæstiones examinemus, & fidem confirmemus. Hæc propositio Concilio
 probata est, pronuntiata sententia, cui quadraginta tres Episcopi subscripserunt.
 Hos inter præcipui erant, Joannes Antiochenus, Alexander Apamiensis, Joannes

Sæculum V.
A.C. 431.

Damascenus, Dorotheus Marcianopolitanus, Alexander Hierapolitanus, Dexianus Seleuciensis, Fritilas Heracleensis, Himerius Nicomediensis, Helladius Tarsensis, Euterius Thyaneus, & Theodoretus Cyrensis. Hæc sunt Acta Pseudo-Synodi Orientalium, in qua accusationes vagæ receptæ, nullus testis interrogatus, nulli libelli examinati, & rei nec auditi, nec citati.

p. 601. 602.
Et p. 664.

Hanc Sententiam Ephesi non promulgarunt, nec quidquam Concilii Patribus de hoc facto in notitiam venit; sed eam Constantinopolim miserunt, additis ad Imperatorem, Principes Sorores, Clericos, Senatam, populumque epistolis, in quibus eadem contra Cyrillum, & Memnonem calumniæ repetuntur, sed modis diversis expositæ. Accusant eos, quod ad vim, ut ajunt, inferendam Nautarum Ægyptiorum, & agrestium Asianorum opera usu fuerint, & schedas ædibus illorum, quos invasuri erant, affixerint. Joannes Antiochenus dicit, S. Cyrillum biduo ante Sessionem celebratam sibi scripsisse, se a toto Concilio expectari.

p. 604.

§. XLVI.

Epistola Imperatoris per Palladium missa.

Interea a Candidiano missa relata Imperatori reddita fuerant, cujus animum malæ